

## ACTA DO TRIBUNAL CUALIFICADOR DAS PROBAS PARA A SELECCIÓN DE UNHA PERSOA PARA O POSTO DE OFICIAL 2ª ALBANEL DO PROGRAMA DE “FINANCIAMENTO DAS CUADRILLAS DE OBRAS E SERVIZOS MÍNIMOS MUNICIPAIS”.

---

Proceso selectivo: Contratación de 1 OFICIAL 2ª ALBANEL mediante a modalidade de contrato laboral temporal ao abeiro do programa de “Financiamento das cuadrillas de obras e servizos mínimos municipais” segundo subvención concedida pola Deputación Provincial de A Coruña.

No Centro Sociocultural – Auditorio de Rianxo, ás 09:00 h do día 28/05/2015, reúnese o Tribunal Cualificador que avaliará as probas selectivas para prover unha praza de OFICIAL 2ª ALBANEL, para as tarefas incluídas no PLAN DE REFORZO DE CUADRILAS DE OBRAS E PARQUES MUNICIPAIS ao abeiro do antedito programa e segundo as bases aprobadas pola XGL na sesión do 30/04/2015 e o tribunal aprobado pola Resolucións da Alcaldía núm. 281/2015 do 26 de maio de 2015, coa seguinte composición:

Presidente: Gabriel Bermúdez Piñeiro, encargado de obras municipal (V)

Vocal: María José Fungueiriño Tubío, AEDL municipal (I)

Asesor proba de galego: Carlos Ces Ozores, enxeñeiro en informática municipal (I)

Vocal-secretaria: V. Avelina Campaña Martínez, auxiliar administrativa municipal (C2)

O Presidente declara constituído o Tribunal e dá conta dos antecedentes do proceso:

Primeiro: o día 20 de maio de 2015 presentouse a oferta pública de contratación de persoal na oficina de Boiro do Servizo Público de Emprego e, unha vez que se recibiu a listaxe das persoas candidatas, convocáronse para que acudiran o día 28 de maio ás 09:00 horas, ao Centro Sociocultural – Auditorio de Rianxo.

Segundo: que a antedita Oficina de Emprego remitiu unha listaxe de 5 persoas candidatas para participar no proceso de selección; presentáronse 4 candidatos, quedando as persoas non presentadas excluídas do proceso.

Ás nove horas e dez minutos, realízase o control de asistencia á proba escrita e o acceso á sala na que se vai realizar a dita proba.

Unha vez dentro explícaselles ás persoas aspirantes como se vai desenvolver o exame e fanse as aclaracións ao respecto da documentación que se lles presenta.

Ás 09:15 horas iníciase o exame que remata ás 09:45 horas.

Ao remate da proba escrita recólleselles ás persoas aspirantes a documentación que presentan para a súa valoración na fase de concurso e que será valorada ao remate da fase de oposición, só a aqueles aspirantes que a superen.

Ás 09:50 horas o Tribunal realiza as valoracións dos exames e o resultado que se obtén é o seguinte:

APELIDOS E NOME	RESULTADO
CASTRO FIGUEIRA, ROSALINO	Non supera a proba
LOJO VAZQUEZ, MANUEL	Non supera a proba
MUÑIZ OTERO, JOSE	Supera a proba
QUINTELA FORMOSO, JOSÉ ANTONIO	Supera a proba

Logo disto se lle comunica ás persoas aspirantes o resultado e se lle indica o lugar e a hora á que teñen que presentarse para a realización da proba práctica que é ás 11:00 horas no Almacén de Obras situado na Carballeira.

Ás 11:25 horas iníciase a proba práctica por parte dos dous candidatos que superaron a proba escrita; rematan ás 11:39 h. Da realización da dita proba, que é eliminatória, resulta que os dous aspirantes superan a proba práctica.

Ao remate desta proba se lles comunica aos dous aspirantes que superaron a proba que deben presentarse ás 14:00 horas no Centro Sociocultural – Auditorio para a realización da proba de galego falado incluída no punto 4.3 das bases de selección xa que ningunha das persoas candidatas presentou documentación xustificativa do coñecemento de galego esixido.

Ao tratarse dunha proba oral, este exercicio grávase co consentimento dos aspirantes. Remátase esta proba ás 14:20 h co seguinte resultado:

APELIDOS E NOME	RESULTADO
MUÑIZ OTERO, JOSE	APTO
QUINTELA FORMOSO, JOSÉ ANTONIO	APTO

O tribunal réunese novamente ás 09:00 horas do día 29/05/2015 para facer a valoración do proceso e da documentación presentada polas persoas aspirantes para a fase de concurso. Unha vez rematadas estas valoracións, as persoas aspirantes que se presentaron para os postos de OFICIAL 2ª ALBANEL e superaron a fase de oposición, obteñen a seguinte puntuación final:

APELIDOS E NOME	OPOSICIÓN			CONCURSO				TOTAL
	Proba escrita	Proba práctica	Subtotal	Formación	Carné B	Galego	Subtotal	
Muñiz Otero, José	3,90	5,10	9,00	0,00	1,00	0,00	1,00	10,00
Quintela Formoso, José Antonio	4,20	5,70	9,90	0,00	0,00	0,00	0,00	9,90

De acordo coas bases que rexen a convocatoria, o Tribunal **propón** a José Muñiz Otero para cubrir, temporalmente, a praza de OFICIAL 2ª ALBANEL para o Concello de Rianxo.

Así mesmo, o Tribunal inclúe o outro aspirante que superou o proceso, José Antonio Quintela Formoso, que superou as probas e non se incluíu na proposta de nomeamento, aos efectos indicados nas ditas bases (substitución, baixas, enfermidade, ...)

Non habendo máis asuntos que tratar, sendo as nove horas e trinta minutos, a Presidencia remata a sesión, da que se estende a presente acta, que será subscrita polos membros do Tribunal.

A presente acta será exposta no Taboleiro de anuncios do Concello, no sitio web municipal e na Sede Electrónica do Concello de Rianxo.